

國朝詩人徵略二編

彙輯

國朝詩人徵略刻至庚子卷是爲初編今又二十年海內
師友耆舊先後凋謝初編已鐫之板不可屨入當別爲一
編以續之而二百年來之人事之詩昔未見而今始見
昔未詳而今始詳則又當別爲一編以補之今補與續既
合爲一書言補則遺續言續則遺補因渾而名之曰二編
夫人無盡也事無盡也詩無盡也則由初編二編遞增至
於十編百編書亦無盡也附載拙箸仍初編之例至訂其
缺漏正其舛訛是所望於博雅君子道光二十有二年歲
次壬寅夏五月珠海老漁張維屏書于聽松廬之松心室

國朝詩人徵略二編目錄

番禺張維屏子樹輯

卷一

黃機

張九徵

柴望

許纘曾

唐賡堯

張晉

魏開禧

余

銜

卷二

胡渭

汪汝謙

陸曠

陳廷會

王邦畿

徐緘

陳衍虞

修國器

傲



范承試

卷三

吳易

張遂辰

韓輝祖

張右民

圖爾宸

馮雲驤

王益朋

吳兆騫

許廷邵

祁文友

熊賜履

梁儒色冷



項崇襄顧約文

卷四

唐納緒高暉

劉元勳張壇

蘇輯汝

杜濬

應撫謙

李興祖

張可度

王鳴雷

悍偽



阮雲錫韓曹駒



趙興棟陳忱



董閻齊克慎


卷五

閻天球董訥

徐柯茅漱

嚴榮

魏祥



卷六

毛先舒

陳子升

張穆

褚店俊陳于王



朱微宋振麟

卷七

方殿元

張玉裁

陸棻

周宏賈其若



沈允範

卷八

易宏
丁煒

卷九

性德

卷十

張文炳

卷十一

蔡珽
福敏

卷十二

卷十三

史貽直

段昕

卷十四

卷十五

方苞

卷十六

卷十七

惠士奇

卷十八

王世芳

卷十九

儲大文

卷二十

楊廷璋

卷二十一

范咸

卷二十二

張坊

卷二十三

李紘

卷二十四

卷二十五

彭端淑

王洛

徐逢舉

卷二十六

卷二十七

阿桂

曾受一

卷二十八

王世章

卷二十九

楊 鸞

卷三十

陳世熙


卷三十一

李隸中

卷三十二


卷三十三

趙翼



卷三十四

張九鉞



卷三十五

崔述

喻寶忠



吳壽昌

卷三十六

福康安



卷三十七

李長庚



卷三十八

顏檢
柯輅

卷三十九

管世銘
張九鐔
李威

卷四十

彭輅

陳受增

卷四十一

曾煥

卷四十二

卷四十三

蔣攸鍤

張希呂

舒位

馬履泰

卷四十四

張若霏

李步蟾

卷四十五

阮元

卷四十六

張青選

卷四十七

洪亮吉

程含章

卷四十八

唐仲冕

李實

陳琪

敬敬

卷四十九

王曇

金蓮廟漆

馮國倚

陳希源

梁祖恩

卷五十

凌驥

卷五十一

鮑桂星

吳榮光

陳大經

葉荆

卷五十二

吳嵩梁 陳文述

卷五十三

樂鈞 梁曾齡 張瓊英 崔彌

卷五十四

林伯桐

卷五十五

謝蘭生 孫源湘 席佩蘭 彭壽山

丁嗣曾

孫珩 梁信芳 黃玉衡

卷五十六

郭麐 楊知新 劉仁守 許仁

李方煦

喻宗喻

何紹元

謝元瑞

吳生焚
凌揚藻

卷五十七

梁藹如

許桂林

黃其棻

區昌豪

卷五十八

覺羅舒敏

吳鳳徵

招茂章

陳雲

劉東貞
吳山秀

陳大琮

文守元

程楹
謝堃

朱照

李樹
許蓮

方雲龍

陳瑜
張文渭

李步墀

劉炳南

鄭丙昌

趙國柱

王嘉福
王嘉祿

喬椿
見啓垣

方權
洪恒

李光昭
蕭將上

卷五十九

明瑞 劉步蟾 甘運源 鄧泰 汪松 莫廷翰
北勃 蔡廷楷 甘運瀚 錢瑤鶴 金城

譚敬昭

倪濟遠

馮賡颺

卷六十

邱毓章

卷六十一

石家紹 戴蘭芬

鮑俊

趙鏞

文鴻

卷六十二

斌良

李逢春

何朝佐

謝有文

黃廷籍

黃廷昭

杜游

鄭

齡 童宋榮 黃廷鼎

倪承詵

劉杰

李

濟

程范華均

何其琬

金恒

何其瑞
廖紀

廖時炳
林國材

卷六十三

蔡錦泉

卷六十四

鄭榮

吳振勳
程宗城

黃照文

聖培

劉潛蛟

梁邦俊

陶應榮

陳瑩達
單子廉

莫雲梯
李汝樞

杜洪時
廖松

岑滋

國朝詩人徵略二編卷一

番禺張維屏子樹輯

黃機

字次辰號雪臺浙江錢唐人順治四年進士官至
文華殿大學士贈太傅諡文僖有溫露堂集

文僖立朝四十餘年端恪老成始終如一卒年七

十五崇祀鄉賢

國朝杭
郡詩輯

摘句 迴峰藏短徑疎竹掩空亭

犢鼻西川新錦字角巾東洛舊風流

雪滿程門親捧杖月深庾府共登樓

送王
鐵山

張九徵

字公選號湘曉江南丹徒人順治四年進士官河

南提學道

於明代人物能縷舉其世系子文貞公

玉書

總裁

明史大抵稟承家學爲多

鶴徵錄

摘句

少不如人何況老身將終隱又焉文

答友

虛名空好羊公鶴肥遯深慚梁伯鸞

遣懷

繆慧遠

字子長江南吳縣人順治四年進士官壽陽縣

摘句

坐上清歌聞子夜人生行樂及丁年

柴望

字秩于號雪巖浙江仁和人順治四年進士官廣

東布政使

宰淇縣山賊突發公射殪一賊餘賊驚散

杭郡詩輯

摘句 空潭淨無塵與天同一色

晴雨有時都入畫樓臺無處不依山

西湖

王紹貞

字約園浙江餘杭人順治五年舉人官湖廣知縣

有澁清軒集

摘句 已知貧是三分福况乃閒從一枕涼

國朝詩人卷二
姜圖南

字匪思號真源浙江錢唐人順治六年進士官睢

陳道有關隴諸集

巡關隴廉得吳三桂跋扈狀露章奏之

杭郡詩輯

摘句 綠分平野千林雨春到深山二月花

胡 亶

字保林號勵齋浙江仁和人順治六年進士官通

政使

父病日夜視湯藥父歿一慟嘔血竟以毀卒

杭郡詩輯

摘句 嵐氣連千嶂濤聲入萬松

許纘曾

字鶴沙江南華亭人順治六年進士官按察使有
寶綸堂集

摘句

初疑字內無此奇今日所見更過之乃知
天地靈怪不可測生平遊覽快意無如斯
遊峩眉山歌

余由陽朔至桂林有句云不意山奇至於
斯乃知天大無不有與鶴沙句可互證峩
眉雖高若以奇論恐未必及桂林也 聽
松廬詩話

吳震清

初名元石字方漣號魚山安徽休寧人順治九年

進士官御史有雪嘯軒集

魚山官潯州司李峒寇薄城民驚竄魚山堅守不

動城賴以全

松軒
隨筆

摘句

幽徑引孤筇蒼翠自成雨

入法
華山

張含輝

字韞璘山東掖縣人順治九年進士官四川提學

道有東山草

韞璘舉博學鴻詞與試未用

鶴徵
錄

摘句

野斷蛩音方寂寂煙迷客思正悠悠

送君暫借杯中物念我期消馬上愁

唐賡堯

字載歌號寓菴浙江會稽人順治九年進士官山東提學道有歷遊草

摘句 西上殺虎口崇岡連廣漠居場雜馬牛飲

啖半乳酪遠人無絕理得茗以爲藥誰謂

互市非良以示約束

殺虎口

凡外夷所飲食牛羊性熱乳酪質膩必得茶以清解之中國之茶足制外夷之命寓

菴此詩頗有遠識

聽松廬詩話

豔陽怕惹人春思不遣東風過雁門

張晉

字康侯陝西狄道人順治九年進士官丹徒縣

康侯少年壯志馳馬一日可二三百里

二南遺音

摘句 相公方正人而有梅花賦乃知情至者始

能見真素

宋廣平

斯文今鼻祖吾道此心師

伏羲廟

雲日開天表山河見帝心

堯廟

衣裳垂古壁樞樞紀豐碑

禹廟

先來朝白帝相與問青天萬古河如帶三

秋藕似船

望華嶽

魏開禧

字公錫號弁蒼浙江長興人順治九年進士官知縣有倚玉齋稿

摘句 休嗟拙宦貧如此早乞閒身病不妨

瓜蔓水澄雙漿綠棟花風細一犁香

余縉

字仲紳號浣公浙江諸暨人順治九年進士官御

史有大觀堂集

先生剛直敢言曾劾越帥爲桑梓除害

越風

摘句 淮酒初濃梅雨暗吳蠶方老柘風微

董衡

字楚望浙江烏程人順治十一年舉人

摘句

重關亦復能羈恨古權從來不稅愁

渡清源關

稅愁似未經人道過

松軒隨筆

國朝詩人徵略二編卷二

番禺張維屏子樹輯

胡渭

字拙明號東樵浙江德清人諸生

易圖明辨胡渭撰是書專爲辨定圖書而作初陳
搏推闡易理衍爲諸圖其圖本準易而生傳者務
神其說遂歸其圖於伏羲謂易反由圖而作又因
繫辭河圖洛書之文取大衍算數作五十五點之
圖以當河圖取乾鑿度太乙行九宮法造四十五
點之圖以當洛書實則唐以前書絕無一字之符

驗而突出於北宋之初

四月提要

陳搏隱於華山宋太祖太宗皆禮之重之夫以兩朝天子而禮重一山人於是陳搏之名滿天下天下之人皆以搏爲異人旣重搏遂并搏所畫之圖亦重之其徒遂神其說以爲所畫之圖出於伏羲於是濂洛諸儒皆尊信之遂以圖冠於周易篇首搏恬澹自守壽過百齡不慕利祿不談神仙搏言白日飛昇何益於世可謂有道之士太宗賜號希夷先生風聲所樹風氣遂開搏有先天圖於是劉牧有易數鉤隱圖牧之學盛行於仁宗時邵子有皇極經世邵子數學本於李之

才之才本於穆周子有太極圖說穆以太極圖傳

脩脩本於陳搏世傳陳搏善睡蓋閉目靜坐即俗

漢上搏好靜坐語打坐也打坐二字已見近思錄

於是周子好靜周子有主靜立人極之說於是程

子教人靜坐程子閉目靜坐門人不敢遽出故有

程門立雪之事至坐畢開目見門人猶在故曰賢

輩猶在此耶程子門人羅從彥好靜坐李延平亦

教人靜坐朱子有半日讀書半日靜坐之說至白

沙陳子遂教人於靜中養出端倪其實圖學之傳

靜坐之旨皆始自陳搏後儒以搏未講學遂舍之

禮曰好古敏求曰多聞多見曰不欲勿施曰困學
曰躬行未有以虛靜為教者謂周邵程朱羅李陳
諸人為正人君子則可謂聖道之統聖學之傳必
在於是不可聽松廬文鈔此論可與易圖明辨相發明故附錄於此
禹貢錐指胡渭撰康熙乙酉恭逢

聖祖仁皇帝南巡曾呈

御覽蒙

賜耆年篤學扁額稽古之榮至今傳述

四庫提要

摘句 虛傳班史褒名節逸却羌山古逸民

吳羌山

漢高士吳羌避王莽之亂居此後人名曰吳羌山

汪汝謙

字然明號松溪浙江錢唐人

然明製畫舫於西湖曰不繫園又葺湖心亭四方

名流至選伎徵歌或緩急相投立爲排解

杭郡詩輯

董宗伯

其昌

贈以小引以陳太邱比之

松軒隨筆

摘句

相看莞爾猶疑夢侍側依然尙愴神

喜次子歸

三竺松筠時嘯詠六橋煙雨日夷猶

佟國器

字匪白漢軍人官南贛巡撫

順治二年授嘉湖道偕張國興擒馬士英

大清一統志

摘句 孤松堪結侶五柳倩辭官

岑徵

字金紀號霍山廣東南海人有選選樓詩藁

家藏戚將軍繼光劍作長歌以感歎

嶺海詩鈔

摘句 幽祕蹟難彰巖塵名易藉物情自古然長

嘯曳孤策

虎邱題壁

腸斷子山應作賦心違劉向且傳經

范承斌

字允公漢軍人襲一等子爵

摘句 秋雨秋風夜思君思我時

懷友

李成憲

字正甫廣東番禺人諸生有零丁山人集

順治丙戌正甫爲僧旣而念親遺體棄僧歸

嶺海詩鈔

摘句

當天落日愁無影到地悲風壯有聲

多病一身堪久客故園諸弟尙重圍

邱隴十年無孝子兵戈萬死有孤生

陸曠

字思廣原名之垓號耐雪浙江歸安人有嘯閣草

摘句

秦伯之荆蠻視國猶敝屣但求已所安甯

計讓爲美

古來名利中能退卽良圖
驚馬戀棧豆禍發恆須臾

子房託赤松長源隱華岳
定儲功旣同高蹈竝卓犖
從來蓋世勲必受羣小詆
况逢猜忌主那能終不薄
保身與全君斯爲黃老學

詠史

人多說保身耳此獨說到全君用意深至聽松廬詩話

老閒窮途事貧畱故我心

吳易

字仲因浙江歸安人諸生

摘句

中有待商志古多難解書

懷友

松廬

陳廷會

字際叔號瞻雲浙江錢唐人

崇禎癸未郡東門有海大鳥集焉人面獸身六翼
四足際叔歎曰此鵜也所見之國其下多放士未
幾若金堡陸圻應撫謙汪胤輩或挂衲談空或鑿

坏遁迹人皆服其前知

杭郡詩輯

摘句 酒釀葡萄春薦母羹調芍藥晚畱賓

沈祖孝

字雪樵號霽漁浙江烏程人有湖干集

摘句 守貧成我懶安賤少人過

王邦畿

字誠籥又字說作廣東番禺人貢生有耳鳴集

摘句 亦知匕首無成事只重荆軻一片心

余少時詠荆軻句云如此肝腸如此膽莫
將成敗論荆卿軻誤在欲生劫秦王若謂
預知其無成尙未免以成敗論人

聽松廬詩話

張遂辰

字相期號西農浙江仁和人

摘句 弟昆聚食田於硯子婦能家孝作經

壺中方外有天地論道讀書無古今

徐 緘

字伯調浙江山陰人布衣有歲星堂集

先生少負盛名祁忠敏公延之訓子所著經史傳

注不下數百萬言

越風

摘句 落日下長沙沅湘流不息烏啼斑竹林黃

陵月微曰

道因謀食減名豈藉人成

乾坤戎馬亂朋舊伯牛亡

眉長新月下腰細落花前

樹色曉分天目雨嵐光晴擁鑑湖春

謝長文

字伯子號花城廣東番禺人貢生有雪航諸稿

摘句 我聞精衛鳥銜木填滄海雖然功不就肝

膽具精采

韓繹祖

字茂貽浙江烏程人諸生有詠性堂稿

摘句 醉餘成小隱睡足勝長生

饑寒猶是福聾瞽始稱才

饑寒不遇亂離故曰福聾瞽不遭忌害故

曰才

聾瞽勿泥但不聞不見
便是聽松廬詩話

陳衍虞

字伯宗號園公廣東海陽人有爾爾草

順治乙未衍虞仕番禺教諭遷廣西平樂令猺賊
刼掠衍虞率鄉勇擊敗之俘賊首十五人民賴以

安卒年九十祀鄉賢

廣東通志

摘句 追憶亂離事歡笑忽悲哭予從田家來與

汝共一樸

宿田家

劉漢客

字石生陝西宜川人貢生有物菴集

摘句 暑隨大火西流去秋入黃河北地來

張石民

字用霖號東臬浙江錢唐人有東臬集

嘗避亂越中備一舟及登舟而舟中已坐二少婦

用霖送少婦寄尼菴數日覓其夫歸之

杭郡詩輯

摘句 修竹數竿高士屋白雲一片故人心

諸朗

字良月號墨樵浙江山陰人諸生有越騷

摘句 竝蒂花如笑雙飛蝶不言

春衫歸路迷花影孤屐危橋畏水聲

杏子初黃新雨後筍芽方紫薄雷時

國朝詩人徵略二編卷三

番禺張維屏子樹輯

圖爾宸

字自中滿洲人順治十二年進士官工部侍郎

順治乙未科圖自中爲滿洲進士第一甲第一名

授修撰

松軒
隨筆

摘句 高峯一片月挂在碧松枝煙濕露華下開

軒讀楚辭

半陂春水鷺鷥立二架落紅鴉鵲鳴

梁儒

字宗洙漢軍人順治十二年進士官江南提學道
僉事有徽音集

天籟自鳴下筆娓娓數百言立就

熙朝雅頌

摘句 黃河夢斷千颿雨白髮痕添兩鬢秋

閒情只合詩兼酒幽思惟耽畫又書

色冷

字碧山蒙古人順治十二年進士官刑部侍郎

色公聘周青士入都與商風雅

熙朝雅頌

摘句 煙霞性癖雙蓬鬢詩酒情多一敝裘

方塘水漲魚爭出曲徑煙寒鳥倦啼

馮雲驥

字訥生山西代州人順治十二年進士官四川提學僉事

舉博學鴻詞與試未用魏尙書象樞嘗言訥生見

識高議論正稱爲畏友鶴徵錄

摘句 盤盤綠石壁磴磴捫青天遙看來往人縹

緲訝飛仙雲棧

紅霞白日回頭近鳥道蛇盤獨馬穿鳳嶺

項景襄

字去浮號眉山浙江錢唐入順治十二年進士官

兵部侍郎

時聞浙海寇未平山東巡撫慮漁戶通寇欲禁篷
桅眉山力爭曰山東與閩浙不同閩浙海無礁寇
來往易故禁捕魚東海多礁寇不敢入既奉

旨許捕魚海舟非篷桅不行今禁篷桅是絕民命也由

是得免

杭郡詩輯

摘句 落花滿空林披雲坐磐石

顧豹文

字季蔚浙江錢唐入順治十二年進士官御史

摘句 夢過栗里依彭澤水隔桐江伴子陵

林逋墓

王益朋

字元之號鶴山原名聘字莘民浙江仁和人順治十二年進士官太僕寺少卿有清貽堂稿

摘句 荒田五六畝茅屋兩三椽鷄犬供胥吏桑

麻辦稅錢

詠田舍四句寫鄉民之苦爲民上者其念之松軒隨筆

唐納牖

字曰生號省菴廣西灌陽人順治十四年舉人官知縣有受堂集

摘句 千帆樓櫓依城堞十里松楸護墓田

虎邱塔春

望

吳兆騫

字漢槎江南吳江人順治十四年舉人有秋笈集

順治丁酉漢槎以科場事蜚語逮繫遣戍寧古塔

康熙辛酉徐健菴爲之納緩放歸田里

松軒隨筆

漢槎驚才絕艷數奇淪落萬里投荒嘗託名金陵

女子王倩孃題詩驛壁以自寓哀怨

徐鉉續本事詩

漢槎有燕支山詩蓋詠公主夫婦事公主下嫁北

部蕃王王愛琵琶小伎公主妬致伎於死由是夫

妻反目隔絕不相聞後公主姊妹爲之調停解釋

遂爲夫婦如初此詩甚長錄其警句於左

聽松廬詩話

摘句

自有威儀尊鳳女特分湯沐在龍城
好獵頻徵鳴鏑兒酣歌偏戀琵琶伎
帳下纔驚一騎來杯中已見雙蛾殞
自甘瘠面衰紅袖不念同心歎白頭
千里金河怨別離經年銀漢無消息
黃鵠歌中思故國青鸞帶畔懣他生
已分猜嫌任狡童誰憐調護勞諸妹
刈翼每嗟鸞鳳侶迴腸偏繫鵲鴿原
爲歎姮娥奔月來却教須女驂星至
五部大人齊入賀萬年公主竟歸來

許廷邵

字仲將號印渚浙江武康人順治十五年進士官
泉州府有黔陽集

摘句 中丞且未至供帳徒張皇迎謁亦細事諄

訶烏可當小吏自有分大官自有常倘逢

中丞怒歸臥南山岡

行役二
首之一

大官將至小官預備供帳大官之闢人廚
人未饜所欲則供雖備而不得達而大官
且怒曰豈一飯而不余界乎大官雖禁其
下人受賄不知又有明暗之說明不受賄

乃受小官但願無事如其意與之大官雖
問小官亦不敢告也凡爲大官宜知之因
讀仲將詩漫識於此

松軒
隨筆

高 脾

字元中山西襄陵人順治十五年進士

摘句 削出目側山矗起阿剌部舍馬從步入路

仄足跡聚

目側
山

攀援斷藤行數起而數仆

泠然泉聲落似猶雜金鼓

自笑子長牛馬走誰憐杜甫鳳凰饑

祁文友

字蘭尚號珊洲廣東東莞人順治十五年進士官
工部主事有渡江諸集

摘句 一夜東風吹雨過滿江新水長魚蝦

劉元勳

字 陝西咸陽人順治十六年進士官山西道

摘句 山高懸碧障水細漾寒沙

不須通姓字直到故人家

熊賜履

字敬修號

湖北孝感人順治十五年進士官

至武英殿大學士諡文端有經義齋集

賜履由庶吉士授檢討康熙四年遷宏文院侍讀
時內大臣鰲拜輔政自專賜履疏言部院臣工大
率緘默依阿托老成慎重之名以濟尸位素餐之
計樹義者謂之疎狂任事者目爲躁競廉靜者斥
爲矯情端方者病爲迂腐間有讀書窮理之士則
羣指爲道學百計詆排欲禁錮其終身而後快乞
皇上申飭諸臣虛衷酌理實心任事化情面爲肝膽轉推

諫爲擔當則職業修舉官箴日肅矣九年改內三
院爲內閣設翰林院以賜履爲掌院學士十二年
充會試副考官十四年陞內閣學士授武英殿大
學士十五年吏部尙書明珠等議賜履票擬錯悞
改寫草籤復私取嚼毀失大臣體革職罷歸二十
三年

上南巡賜履恭迎

召對良久

御書經義齋匾額賜之二十七年授禮部尙書三十一年
調吏部三十五年御史龔翔麟劾吏部擬補擬選

先後互異單月府州縣缺歷歸雙月尙書熊賜履
竊道學虛名負

恩溺職得

旨吏部回奏復下都察院議以回奏含糊應降三級調用上命從寬畱任三十八年授東閣大學士三十九年會試爲正考官四十二年復充會試正考官以年七十乞休四十八年卒於家年七十五

贈太子太保諡文端

大臣傳節鈔

學統

五十卷

熊賜履撰以孔子顏子曾子子思孟子

周子二程子朱子九人爲正統以閔子以下至明

羅欽順二十三人爲翼統以冉伯牛以下至明高
攀龍一百七十八人爲附統以荀卿以下至王守
仁七人爲雜統以老莊楊墨告子及二氏之流爲
異統夫尙論古人辨其行事醇疵立言得失俾後
人知所法戒足矣必錙錙銖銖較其品第而甲乙
之未免與班固古今人表同一悠謬

四庫提要

閔冉與顏子同居德行之科乃不獲與周程朱同
居正統尊後儒而卑先賢不獨謬而且妄其所以
爲此者蓋欲自附於附統冀身後從祀兩廡耳然
道學從祀可空談而得亦何足貴哉

松軒
隨筆

閑道錄

卷三

熊賜履撰力闢王守仁良知之學其中

有云食知味行知步知性知天亦不外此不免仍

涉良知之說

提要 四庫

下學堂劄記

卷三

熊賜履撰引蕭企昭之言嘗王守

仁爲賊又云當今日而有衛道其人者乎孟朱之

徒也其自負亦不淺矣

提要 四庫

但著書攻王陽明便自負能衛道耶

松軒隨筆

文端生平無所好惟好書藏書十萬卷有奇

松軒隨筆

文端嘗謂當今時文推韓元少

蔡

第一詩古文推

杜于皇

溶

第一元少卽文端禮闈所取士

松軒隨筆

文端嘗云情理之外更無學問愚按此語極質實
乃其論學有云自寂自感恆感恆寂無斷無續無
出無入此則欲闢異端而不知自入於異端矣前
明諸儒講學似此者甚多

松軒
隨筆

文端嘗云道學詩多入窠臼僕亦不能免愚按此
先生自知之明能自知便是有學識

松軒
隨筆

摘句 幼安真處士秋鶚摩青空俯視曹瞞輩磨

蟻及燈蟲

身燕吳楚啼兼笑事去來今樵共漁

丙寅
初度

一句中六頓 此二句
句法前人集中似未有

張壇

字步青浙江仁和人順治十七年舉人有東郊草堂集

摘句 富老不如貧少壯遊不如困還

海鳥盤雲上江豚拜浪行

世事江山風景異天涯去住戰場多

蘇楫汝

字用濟廣東新會人順治十八年進士官知縣有梅岡集

授太康知縣叛藩倡亂偵知奸民響應將襲邑城

楫汝乘間擒渠魁實諸法得其名籍焚之亂以定

民感其德建祠祀之

廣東通志

摘句 山水厭雷同新故詎一轍

老樹如老友廿載伴巖邱

無營殊自貴多病不妨閒

舊學人爭推伏勝一經吾尙及田何

國朝詩人徵略二編卷四

番禺張維屏子樹輯

杜濬

字于皇號茶村湖廣黃岡人貢生有變雅堂集

茶村曰天下事不患無千萬人患無一人

變雅堂集

松心子曰千萬人不能爲者一人爲之三代以上
如堯禪舜舜禪禹禹治水稷教稼契明倫文王三
分有二服事殷周公輔成王作周禮孔子爲政三
月魯大治修春秋而亂臣賊子懼孟子距楊墨崇
仁義黜利是也三代以下如藺相如完璧歸趙而

回車避廉頗項羽破強秦而鴻門不殺沛公留侯
椎秦報韓而爲老人進履武侯佐先主定蜀七擒
孟獲六出祁山關壯繆扶漢鼎討漢賊威震華夏
曹操欲遷都以避陶淵明不仕宋當佛教盛行之
時攢眉不入蓮社張睢陽守孤城保障江淮城陷
死之郭汾陽中興唐室韓昌黎闢佛諫迎佛骨趙
普佐太祖收藩鎮兵權寇準澶淵却契丹岳忠武
以背嵬騎五百破兀朮十餘萬文文山餓七日不
死守義三年從容殉節于忠肅能戰能守而也先
送英宗歸王文成平宸濠不居功楊忠愍疏劾嚴

嵩十大罪楊忠烈疏劾魏忠賢二十四大罪是也
此之謂大人此之謂豪傑此之謂志士此之謂社
稷臣此之謂大丈夫

聽松廬
次鈔

杜子曰士讀四書以爲此場屋題目耳求其讀而
自考自訟躬行是務者千百人無一也

變雅
堂集

松心子曰讀書以爲場屋題目而用心講求在今
日已爲眞士矣近日鈔襲代倩之風太甚弋獲者
公然得志僥倖者羣然效尤僞士得之愈易則眞
士得之愈難主持文教者其將何以救之

松軒
隨筆

茶村曰吾有絕糧無絕茶余既有花塚因舉凡所

用茶之敗葉檢置淨處聚而封之謂之茶邱

變雅堂集

茶村詩以五言勝有蒼樸沈鬱嗣響少陵者偶錄

五律一首譬諸嘗鼎一臠其詩云海角收殘雨樓

前散夕陽行吟原草澤醉臥卽沙場騎馬人如戲

呼鷹俗自狂白頭蘇屬國只合看牛羊

聽松廬詩話

摘句 譬如一盤棋扶劉報韓敗一着在棋先始

終在局外

張子房

漢亡復漢興眼看泡起滅子陵默存悟懶

傲雨非屑

嚴子陵

嵇康人中龍義不可當世吐辭薄湯武千

載有生氣

嵇叔夜

淵明純醒人生平未嘗醉悠然見南山酒

中有真意

陶淵明

一死動天下睢陽與常山唐室再造功吾

必曰張顏

張睢陽

堂堂復堂堂子瞻出峨嵋幼讀范滂傳晚

和淵明詩

蘇子瞻

文山欲成事死事非其欲所以柴市前一

任炎午哭

文文山

觸處迷人代茲山尙姓焦

焦山

江分神禹跡海見魯連心

古意淮南葉他鄉劍外州

暮煙深似海初月上如潮

煙合疑無樹山空但有秋

雙魚一尊酒五字百年情

八千子弟封侯去惟有虞兮不負心

虞姬

正恐傷心無一事蛾眉空老漢宮中

王嬙

平生只是知慙愧逢着梅花不作詩

梅花

彩筆一枝書數卷何人信道是空腸

斷炊

茶村廉介不輕受人之惠晚年窮餓自甘
荒逸民而高士也 聽松廬詩話

應撫謙

字嗣寅號潛齋浙江仁和人諸生有潛齋集

先生生有文在其手曰八卦左重耳右重瞳少卽偕同志爲狷社取有所不爲也有欲試其所守藏妓於館夜醉先生而歸之先生雖誦達旦卒不動舉博學宏詞以疾固辭

鶴徵錄

先生性至孝母病數年侍疾晝夜不懈以經學教

授里中生徒甚盛

池北偶談

潛齋著有六經解禮學彙編性理大中教養全書

弟子甚多因以樓上樓下爲差如馬融例

鶴徵錄

嗣寅學以躬行實踐爲先歿後崇祀鄉賢

松窗筆乘

摘句 口不言世事足不履華堂

雲物散芳暉延賞隨所赴

禪岱

字靜齋滿洲人官吏部侍郎

摘句 舊客忽來如夢寐鄉心相對說平安

三秋舊病千山裏一路新詩百感中

夜燈千點水雲靜秋角一聲山月高

芳草未窮詞賦恨白雲消盡古今才

黃鶴樓

葳蕤草引羊腸徑藤蔓花穿鹿眼籬

李興祖

字廣寧漢軍人官山東布政使有課慎堂詩集

摘句

十年常作客一宿似還家

旅店

才擬西園應作賦人如北海好銜盃
問字人來皆屈宋坐花客到半應劉
野藤作蔓如相引谿竹成竿不用扶
當風頻掃陳蕃榻月還登庾亮樓
性不習官休屢出身難遺世且從同
王維畫裏梅三樹韓愈詩中屋兩間
老大不堪談吏術欲從魚鳥作閒遊

陳確

字乾初原名道永字非元浙江海寧人

抱節空山幾二十載友朋有過必正色相告

杭郡詩解

摘句 衰年千里客茅屋一牀書

春水橋邊雲萬樹晚風亭外月千家

莫謂兩人容易見滿頭白髮已如絲

東友

阮雯錫

字疇生福建同安人

摘句 獨客苦思鄉還鄉如客寓信宿不遑安又

復出門去

張可度

字屬筏江南江甯人

摘句 無限炎威竟何在成仙却讓李騰空

廬山懷古

自註林甫女也李白有送內之廬山訪女道士李騰空詩

父爲宰相勢燄薰天而生爲人怨死爲人

罵女爲道士入山修道當時能得李太白

詩至今千載後猶形諸歌詠由是觀之人

亦何苦爲惡哉

松軒隨筆

韓曾駒

字人穀浙江烏程人諸生有悟雪齋集

摘句 天不能窮真曠達世方多難且隨緣

趙與梗

字楚材福建龍溪人有珠谷剩草

摘句 寒食弔之推端陽悲郢客如何重九日不

祀陶彭澤

陳忱

字遐心浙江烏程人有雁宕詩集

摘句 閨中莫寄寒衣至斬却樓蘭賜錦貂
邊城曲

憔悴感恩依尙父可憐尙父事朱溫
閱羅隱詩

詩議論自佳但羅昭諫曾勸錢鏐討朱溫未可以此誚昭諫也
聽松廬詩話

董闇

字隱僧江南吳縣人

摘句 遠遊當歲暮爲養反離親貧士千秋恨依
人萬里身

爲養反離親五字沉痛古今人子家貧親
老謀食依人同聲一嘆

聽松廬詩話

齊克慎

字燕侯滿洲人有獨坐軒稿

摘句 終歲偶然到城市畢生從未別妻兒

題野人壁

少日親朋傷老盡後生兒女較前多

王鳴雷

字震生號東村廣東番禺人諸生有空雪樓集

鳴雷學於梁朝鍾爲文奇古奧勁不可識辨

廣東通志

摘句

天涯到處同風俗人事他鄉異酒杯

平生不會傷離別垂老方知惜別身

惟有夜猿能送客青山一過一回啼

陶天球

字大治廣東新會人諸生有世烈堂集

摘句

天命否來無妙算將軍亡後有英風

輓王虎賁

將軍名興明末殉節陳獨
漣有五言古詩紀其事

董說

字若雨號侯菴浙江烏程人諸生有豐草菴集

前明尙書份曾孫晚歲遁跡空門改字月函

松軒
隨筆

摘句

白蘋洲裏思漁艇蟋蟀聲中話戰場

死去梅花須繞墓生前萬卷託高樓

但遣異書供硯北不妨野語聽齊東

更生昔日原名向中散先人舊姓奚

高人久坐添詩話病客秋深覓睡方

乍道詩王依杜甫更從字母入華嚴

願作劍長隨季札恨無金可鑄湘纍

徐柯

字貫時江南吳縣人

摘句 香能損肺薰宜少露漸沾花摘莫頻寄小婦

茅澂

字侶樵浙江歸安人

摘句 偶隨春色來人境自信孤蹤老此山梅花

嚴榮

字仁叔號塵外浙江歸安人諸生

摘句 氣闊魚龍聚天空日月浮大江

挑燈自讀畱侯傳縱酒誰知阮籍心

國朝詩人徵略二編卷五

番禺張維屏子樹輯

魏祥

又名際瑞字善伯號東房江西甯都人貢生有魏伯子集

與叔子禧季子禮天下稱甯都三魏

魏伯子文集序

叔子文集讀者多伯子文集讀者少既讀之因擇

其實獲我心者節錄之

松軒隨筆

魏伯子曰情者天地之膠漆天地無情則萬物皆散萬物無情則其類皆散天地之情鍾於人之

情鍾於其類

魏伯子集

理本正也偏而執之則成邪

同上

天下受諛者每自謂我不好諛多疑者每疑君子而信小人好名者已欲圖名而不知左右已竊其利故曰偏聽生奸獨任成亂

同上

名者行之賞也事之勸也真能好名則必不敢爲所不爲欲所不欲以害其爲名之本

同上

人不可疑人中疑外相友有心觀無心事事如真有人莫任躁性每事多動怒怒人人未傷先自

刺腸肚

同上

怒易傷生且易壞事養生治事者當慎之於未怒之先

松軒隨筆

人之精神聚於一端乃能獨至吾之精神亦必聚於此人之一端乃能寫其獨至太史公識此意故

文極古今之妙

同上

識得一萬事畢萬事畢識得一

同上

語錄無語錄氣乃佳

同上

余喜觀古人格言善訓而不喜語錄語錄之病一

曰陳腐二曰率易三曰冗沓四曰俚俗五曰似禪

家機鋒能免此五病則語錄可觀矣

松軒隨筆

摘句 天從山上少路入水中多

蜀道

可憐六大國竟少一丸泥

函谷

桃花劉阮路苔蘚宋唐詩

天台

見影方知月聞香始覺花

梅

負米自傷親不在絕糧吾亦至於斯

仲家
茂

孫曹未滅成何世天地無知喪此公

諸葛
公墓

讀驪飲酒真名士小石疎花卽隱居

客去更先春一日路長纔似夏方初

連日已來常苦雨今宵人說是中秋

世皆欲殺真才子我見猶憐是美人

絕塞關心關塞絕憐人可有可人憐

迴文

雪送花枝花送雪天連水色水連天

迴文

國朝詩人徵略二編卷六

番禺張維屏子樹輯

毛先舒

字稚黃原名騃字馳黃浙江仁和人
有稚黃全集十四種

聲韻叢說毛先舒撰雜論三百篇及古來有韻之
文其韻問一卷則設爲問答以自暢其說

提要 四庫

韻學通指毛先舒撰是編與柴紹炳古韻通沈謙

詞韻同時而出其得失離合亦略相等

提要 四庫

韻白毛先舒撰皆論古韻今韻詞韻曲韻

提要 四庫

匡林毛先舒撰是編皆議論之文先舒習尚似毛

奇齡但奇齡喜談經先舒喜談史奇齡好蔓引典

籍先舒好推究事理

四庫提要

撰書毛先舒撰中多考證之文筆頗雋爽

四庫提要

思古堂集毛先舒撰先舒刻其書十四種以此集

爲首殆晚年定本

四庫提要

東苑文鈔詩鈔毛先舒撰文凡三十三篇詩凡九

十六首

四庫提要

小匡文鈔毛先舒撰自序曰小匡文鈔者文皆小

有所匡者也

四庫提要

蕊雲集毛先舒撰皆所作豔體

提要 四庫

晚唱毛先舒撰皆摹李商隱李賀溫庭筠韓偓四

家之體以別於初唐盛唐之格故以晚名

提要 四庫

螺峰說錄毛先舒撰其大旨有二一日格物欲一

日盡倫常

松心 目錄

聖學真語毛先舒撰是書多解釋大學中庸末附

與友人書大旨言格物是格去物欲致知是擴充

良知格物說本涑水良知說本姚江先舒引申而

暢發之先舒多病而能博覽載籍收攝身心可謂

克勤於學有志於道者

松心 目錄

毛子曰人千病萬病只是要承順此血肉之軀

松心子曰無血肉之軀不能承載衆善有血肉之

軀却易生出衆惡然則何以能爲善去惡一日畏

一日恥畏天則心不敢放肆恥同禽獸則當存此

幾希之良

松心
日錄

毛稚黃曰一日中做得一件好事說得一句好話

充實得一箇好念頭便不虛過此日一日中止得

一件不好事忍得一句不好話消化得一箇不好

念頭也不虛過此日

螺峯
說錄

此條最真切警發因錄

之可以爲座右銘

松心
日錄

毛子曰真壽者不在年數之長短也松心子曰形者軀殼也人所同有也神者心靈也我所自有也形壽難百歲神壽可千年形亡而神存非可以倖而獲也易曰神而明之存乎其人

松心
目錄

毛子曰文章之開有不得不開之勢其變也亦有不得不變之勢松心子曰毛子知言哉上古混沌獠狉忽焉而畫卦矣忽焉而造字矣尙書記事而春秋編年矣至史記而又有本紀列傳矣秦漢之文無所謂散與駢也至六朝而散體之外有駢體矣至宋以後而古文之外有時文矣三百篇詩多

四言至漢多五言至唐多七言且分五律七律矣
唐宋則詩之外有詞至元而詞之外又有曲矣未
有而有謂之開合舊圖新謂之變變而返其初謂
之復復久則又變舊極則必新是皆天地自然之
氣運人心自有之精華固不可居今而昧古亦無
庸是古而非今善夫杜子美詩曰不薄今人愛古
人是誠先得我心也夫

松心
目錄

摘句 太極本無口庖羲代之言

水以淡慾凝火以寢慮沉

風雨他年面文章萬古心

陳子升

字喬生廣東南海人貢生有中洲集

喬生詩麗而有骨原本義山近代中可儷楊升菴

國朝

詩別裁

喬生年十五太守拔冠一郡目為奇童

薛始亨撰陳喬生傳

喬生善鼓琴能吳歛九宮十三調曲盡其妙

同上

喬生為文忠公介弟雖前代之遺老實

熙朝之逸民康熙丙午丁未間與藥亭元孝唱和

松軒隨筆

標題

四臣詠

邱文莊公潛梁文康公儲

陳文恭公獻章海忠介公瑞

摘句

子羽不由徑渡江能刺蛟子房若婦人椎

秦翊漢朝不爲方有爲閭閻成昭昭

坐久月光動歌停花氣來

香須薰宋玉絲欲繡平原

心摧媧后石淚盡蜀山鵑

國是談何易韓非說實難

能收百家作非但一朝書

昭明太子廟書謂文選

臺臨水殿終成沼春在梧宮已報秋

姑蘇

當關一士可勝萬分鼎中原翻在邊

蜀中

龜策不開嚴叟肆雀羅終守翟公門

對酒

米汁從今齋繡佛露盤依舊捧銅仙

元月

何能容易談天下祇學阿難白世尊

寄淳

我祖豈知王氏臘叔孫曾定漢官儀

訪黃儀部

水國有蘆遮伍相闔門何廡寄梁鴻

寄陳子明

一生心事萇宏碧百粵經營伍子濤

哭雲淙兄

十年喪亂同王粲萬里歸來獨子卿

喜翁山歸

桂樹小山成吏隱桃花深水見交情

贈汪漢翀

若教視草知能手便擁如花不稱心

答葉虎竹

畱貧客住分官俸奉老親歡誦佛經

贈詹明府

萬里聲名千古業只應相愛寂寥身

寂寥身三字可味錢牧齋龔芝麓輩只是

不耐寂寥耳

聽松廬詩話

寄語離居數君子道心隨處恐消磨

人心日熾則道心日消當時蓋有晚節不
堅者故喬生作此以規諷而辭氣溫厚有
合於忠告善道之義焉

聽松廬詩話

褚唐俊

字南來浙江錢唐人貢生官福建將樂知縣

賊寇將樂南來率壯士鏖戰殺賊甚衆次日賊益

集遂戰死年二十九

杭郡詩輯

摘句

忽聽簫聲驚客耳玉人何處倚闌干

陳于王

字健夫號榆村漢軍人

摘句 半畝生涯勤種竹一家兒女愛看山

張穆

字穆之廣東東莞人

善畫馬多畜名馬以習熟其飲食喜怒之情而審

其筋骨所在嘗謂馬腹前有兩蘭筋常微動者則

良蹄後有竈謂之寸金奔馳時後蹄能擊到寸金

謂之跨竈又言駿馬馳驟僅蹄尖寸許至地

嶺海詩鈔

摘句 漸老消妄緣樂貧勵微節

朱徽

字遂初江西進賢人

摘句 鳥啼山木暗人語灘石響

岫轉失來蹤沙明得前朗

宋振麟

字子真陝西淳化人貢生有中巖集

事母孝舉博學宏詞不就

二角遺音

子真有大學知止說二程語錄蓋講學家而詩筆

却無腐氣

松軒隨筆

摘句 豈有仙靈通海上空畱駿骨到人間

燕臺秋望